


BAHAGIAN A : TATABAHASA (10%)

Arahan : Baca petikan-petikan yang diberikan dengan teliti. Bagi setiap tempat kosong, pilih perkataan yang paling sesuai daripada empat pilihan yang diberikan.

Petikan 1 (Soalan 1-6)



Psikologi alam sekitar mengambil kira bagaimana persekitaran fizikal mempengaruhi tingkah laku dan kesejahteraan manusia. Hal ini dapat dilihat melalui tingkah laku manusia menggunakan ruang yang sesak ataupun berada dalam bangunan bertingkat tanpa (1) _____ lif.

Kehidupan di bandar (2) _____ berterusan mendatangkan kekecohan dan kerisauan yang membawa kepada pelbagai faktor tekanan jiwa. Keadaan tempat tinggal yang sempit dan sesak menyebabkan manusia berasa tidak selesa dan tiada ketenangan jiwa. Rumah-rumah pangsa yang tinggi menyebabkan ramai penghuni mengalami kemurungan, kesunyian dan terasing. Keadaan ini (3) _____ menyebabkan sakit mental dan tekanan dalam rumah tangga.

Kekotoran, bau busuk, dan pencemaran udara boleh juga menjadi sebab kepada punca tekanan jiwa. Walau bagaimanapun bersesak-sesak dalam kenderaan awam, pusat membeli-belah dan tempat awam yang lain boleh mengurangkan tekanan jiwa jika manusia dapat merehatkan diri dan menenangkan fikiran (4) _____ kesesakan yang boleh menimbulkan sikap agresif.

Bunyi bising biasanya menjadi faktor tekanan jiwa yang kurang menyenangkan. Anggota badan manusia akan bertindak balas terhadap bunyi bising dengan (5) _____ sistem saraf simpatetik. Tindak balas tekanan jiwa ini akan mempengaruhi tingkah laku manusia. Bunyi bising boleh mengganggu (6) _____ manusia menumpukan perhatian jika berterusan untuk jangka masa yang panjang. Misalnya, kanak-kanak tidak dapat memberi fokus terhadap pembelajarannya dan perlu belajar berulang-ulang kali dalam suasana yang bising. Sebaliknya, pembelajaran dapat dilaksanakan dengan pantas dan berkesan jika suasana di sekeliling tenang, aman dan damai.

Dipetik dan diubah suai daripada Rosnah Ismail(2008), Stress Alam Sekitar, Selangor Darul Ehsan, Dawarma Sdn Bhd.

(lihat muka sebelah)

1. (A) kehadiran
(B) kehebatan
(C) kemudahan
(D) keistimewaan

2. (A) secara
(B) sekian
(C) selama
(D) semacam

3. (A) boleh
(B) mesti
(C) terus
(D) enggan

4. (A) dari
(B) untuk
(C) kerana
(D) daripada

5. (A) dirangsang
(B) terangsang
(C) rangsangan
(D) merangsang

6. (A) berupaya
(B) keupayaan
(C) pengupayaan
(D) mengupayakan

Petikan 2 (Soalan 7-8)

- Azmi : Saya berasa seronok semalam kerana dapat menyaksikan sambutan Perbarisan Hari Kebangsaan tahun ini di Marina Bay.
- Fandi : Betul kata awak, Azmi. Saya dan keluarga juga berada di Esplanade semalam untuk menyaksikan bunga api yang penuh gah. Kami tiba di Esplanade semenjak jam 3 petang. Suasana di situ sungguh meriah sekali.
- Azmi : Keluarga saya pula memakai sedondon baju tradisional Melayu berwarna merah tahun ini. Maklumlah, tahun ini kita menyambut ulang tahun negara kita dalam **(7)** _____ sambutan Hari Raya Puasa. Walaupun kami sibuk dengan sambutan Hari Raya, tidak ada perkara yang dapat menghambat kami daripada melahirkan rasa cinta terhadap negara.
- Farid : Saya bangga terhadap negara kerana ini tanah tumpah darah saya dan sebagai generasi muda, kita harus menghargai **(8)** _____ dan kerja keras warga perintis. Saya harap Singapura akan terus aman, maju dan mantap tanpa melupakan jasa golongan perintis ini.

- | | | | |
|----|--------------|----|------------------|
| 7. | (A) acara | 8. | (A) sumbang |
| | (B) giliran | | (B) sumbangan |
| | (C) musim | | (C) menyumbang |
| | (D) pusingan | | (D) penyumbangan |

(lihat muka sebelah)

Petikan 3 (Soalan 9-10)



Tekstil adalah sejenis seni yang merangkumi hasil kerja yang diperbuat daripada bahan yang telah ditenun atau dikait menjadi fabrik. Fabrik ini digunakan dengan pelbagai cara. Artis boleh mengukir, menyulam atau melukis di atas fabrik.

Fabrik boleh dihias (9) _____ menggunakan cara tradisional iaitu kaedah batik. Kain akan dilukis dengan lilin panas menggunakan alat besi yang mengalirkan haba. Orang seni yang

berkemahiran tinggi menghasilkan corak menggunakan lilin yang telah dicairkan. Setelah lilin pada kain itu kering, kain itu diletakkan dengan cermat ke dalam (10) _____ pewarna. Proses melukis menggunakan lilin dan mewarnakan kain dengan pewarna diulangi hingga seluruh kain diwarnakan. Kemudian lilin ditanggalkan dengan mencairkannya. Kesan seperti retak terjadi apabila pewarna meresap ke kawasan yang berlilin.

Dipetik dan diubah suai daripada Karen Hosack (2011) Tekstil, Kuala Lumpur, Institut Terjemahan Negara Malaysia

9. (A) untuk
(B) seperti
(C) dengan
(D) walaupun

10. (A) terendam
(B) rendaman
(C) merendam
(D) direndamkan

(lihat muka sebelah)

BAHAGIAN B : KEFAHAMAN (20%)

Arahan : Baca petikan-petikan yang diberikan dengan teliti. Pilih jawapan yang paling sesuai daripada empat pilihan yang diberikan.

Petikan 1 (Soalan 11-13)

	<p>Cetusan Minda</p>
	<p>Korean Pop atau lebih dikenali sebagai K-Pop merupakan fenomena yang sedang melanda dunia. K-Pop mula dipopularkan pada tahun 1992 oleh kumpulan Seo Taiji & Boys yang mendendangkan muzik yang berbeza daripada muzik yang terdapat di Korea. Kini muzik yang diketengahkan oleh kumpulan pop Korea ini disertakan dengan tarian.</p> <p>Fenomena K-Pop memberi implikasi terhadap kebudayaan Melayu khususnya dalam gaya penampilan, cara bertutur, kehidupan seharian, jaringan sosial, pengenalan terhadap budaya Melayu dan permainan tradisional. Hal ini berlaku kerana dengan adanya liputan media yang meluas mengenai K-Pop, budaya Melayu akhirnya dipinggirkan.</p> <p>Budaya tari yang diketengahkan oleh budaya K-Pop seperti 'Oppo Gangnam Style' mencuri tumpuan ratusan juta orang yang menonton You Tube. Tarian tersebut tidaklah sehalus dan setinggi nilai estetikanya jika dibandingkan dengan tarian kebudayaan Melayu seperti zapin, kuda kepang, makyung dan dikir barat. Muzik yang ditampilkan dalam kebudayaan Melayu lebih lembut dan tidak sekeras lagu K-Pop.</p> <p>Kepopularan budaya K-Pop berlaku kerana masyarakat Korea mempunyai disiplin yang tinggi dan kepercayaan yang kuat terhadap budaya dan bahasa sendiri. Hal ini membolehkan Korea berjaya menakluki dunia pada hari ini.</p>

Dipetik dan diubah suai daripada Aminnudin Saimon, 'K-Pop dan Budaya Melayu' Dewan Budaya 1 (2014) 42-43 (lihat muka sebelah)

11. Kewujudan K-Pop adalah untuk_____.
- (A) mengenalkan kumpulan Seo Taiji & Boys
 - (B) mengetengahkan kumpulan pop Korea dan tarian baharu
 - (C) mengiktiraf tahun 1992 sebagai permulaan fenomena baharu
 - (D) memberi kelainan muzik yang didengari oleh masyarakat Korea
12. Salah satu sebab budaya K-pop tersebar luas ialah_____.
- (A) budaya seni Melayu semakin dipinggirkan
 - (B) penggunaan teknologi Internet yang meluas
 - (C) penampilan penyanyi Korea yang luar biasa
 - (D) masyarakat Korea cukup disiplin dalam semua perkara.
13. Penulis menganggap seni tarian Melayu halus kerana_____.
- (A) penari Melayu lebih berdisiplin dan tertib
 - (B) budaya Melayu kaya dengan pelbagai jenis tarian
 - (C) setiap gerak tari mencerminkan kehidupan masyarakat Melayu
 - (D) pergerakan yang lemah lembut dan dianggap mempunyai nilai estetika yang tinggi

Bagaimana menguruskan botol susu bayi anda?

Ambil langkah awal dengan menukarkan botol susu bayi polikarbonat anda kepada botol susu bayi bebas Bisphenol A (BPA)

Sekiranya masih menggunakan botol susu bayi polikarbonat yang mengandungi BPA, ikuti langkah-langkah di bawah.

Alternatif botol susu bayi bebas BPA :

1. Polypropylene (PP)
2. Polyethersulfone (PES)
3. Polyamides (PA)
4. Kaca dan sebagainya



Ikut Saranan Kementerian Kesihatan Singapura

1. Steril botol susu mengikut arahan di label. Sekiranya tiada, rendam botol susu dalam air mendidih selama 5-10 minit.
2. Elak menggunakan air panas secara terus dalam botol susu bayi polikarbonat untuk membancuh susu.
3. Sentiasa periksa permukaan dalam botol susu. Jika rosak atau calar gantikan yang baharu. Sekiranya tiada kerosakan, botol susu perlu diganti setiap 6 bulan.
4. Cuci botol susu menggunakan span dan berus yang lembut bagi mengelakkan rosak atau calar.



Bahagian Keselamatan dan Kualiti Makanan,
Kementerian Kesihatan Singapura.
Tel : 66301 7221 <http://www.moh.gov.sg>

14. Penggunaan bahan Bisphenol A pada botol susu bayi_____.
- (A) tidak sesuai untuk kegunaan bayi
 - (B) memerlukan penjagaan dan pemeriksaan yang rapi
 - (C) boleh mengundang pelbagai masalah kesihatan bayi
 - (D) memerlukan kelulusan daripada kementerian kesihatan
15. Botol susu yang menggunakan bahan polikarbonat bebas BPA_____.
- (A) tidak mudah rosak dan tahan lama
 - (B) mempunyai struktur plastik yang lebih kuat
 - (C) menjadi kegemaran ramai bayi di merata dunia
 - (D) dilengkapi ciri-ciri keselamatan untuk kegunaan bayi

Petikan 3 (Soalan 16-18)

Hujan turun renyai-renyai. Ghazali sedang dalam perjalanan pulang dari sekolah. Dia berjalan seorang diri kerana kawan-kawannya yang lain telah pulang lebih awal darinya. Ghazali pulang dengan wajah yang sayu. Dia telah ditahan di sekolah oleh pengetua sekolahnya.

Semasa rehat, dia telah melepaskan geramnya pada Syaril. Syaril telah mengusiknya tanpa henti. Dia telah meminta Syaril berhenti mengusiknya tetapi Syaril masih berdegil. Memandangkan Ghazali tidak dapat menahan perasaan marahnya, dia telah mencampakkan gelas air ke arah Syaril. Serpihan kaca dari gelas yang dicampakkan itu terkena Syaril. Dahi Syaril berdarah. Dia terpaksa dihantarkan ke hospital kerana takut kalau-kalau masih ada serpihan kaca di kepalanya.

"Ghazali, tahukah kamu bahawa kamu telah mencederakan rakan kamu sendiri. Mengapa kamu bertindak sedemikian?" tanya pengetuanya.

"Saya berasa marah. Syaril mencerca berterusan. Dia katakan saya bebal dan tidak mungkin boleh lulus peperiksaan. Dia juga mempersendakan cara saya berjalan," kata Ghazali tersedu-sedan.

Pengetua sekolah bersimpati dengan keadaan kakinya yang tempang akibat kemalangan tahun lalu. Namun pengetua sekolah menasihatinya bahawa dia tidak sepatutnya mengambil tindakan sendiri menghukum sesuka hati. Pengetua sekolah memberitahunya bahawa kedua ibu bapanya dan juga Syaril akan dihubungi untuk menjelaskan apa yang telah berlaku dan mereka berdua akan didenda atas perbuatan masing-masing. Oleh yang demikian, berat sungguh rasanya kaki Ghazali untuk masuk ke rumah apabila dia tiba di muka pintu rumahnya.

"Ibu, saya sudah pulang," tegur Ghazali.

Tiada sesiapa yang menjawab sapaannya itu. Ghazali berasa lega kerana tiada orang yang disangkakan berada di rumah. Ghazali berjalan ke biliknya, tiba-tiba, kelihatan ibunya tercegat di sebelah almari memegang rotan di tangan kirinya. Ghazali menelan air liur sambil air mata bergenang di kelopak matanya. Kini Ghazali sedar akan keburukan yang dialaminya kerana tindakannya yang tergesa-gesa dan mengikutkan perasaan.

(lihat muka sebelah)

16. Ghazali pulang berlainan masa dengan teman-temannya kerana_____.
- (A) dia ditahan oleh pengetua sekolah
 - (B) teman-temannya pulang lebih awal
 - (C) cuaca pada hari itu hujan renyai-renyai
 - (D) dia perlu menyelesaikan masalah dengan Syaril
17. Perbuatan Syaril terhadap Ghazali telah membuat Ghazali_____.
- (A) menghantarnya ke hospital
 - (B) mengambil tindakan dengan tergesa-gesa
 - (C) pulang ke rumah dengan wajah yang sayu
 - (D) bertindak dengan agresif dan mengakibatkan kecederaan
18. Ghazali menangis setelah pulang ke rumah kerana_____.
- (A) tiada orang berada di dalam rumah
 - (B) rasa bersalah mencederakan dahi Syaril
 - (C) ibunya berada di sebelah almari sambil memegang rotan
 - (D) pengetua sekolah akan memberitahu ibunya dan mendendanya

Petikan 4 (Soalan 19-20)

Salina	: Bilangan kes denggi yang dilaporkan di Singapura semakin meningkat. Seramai 10,186 orang telah dijangkiti virus ini. Statistik daripada Agensi Sekitaran Kebangsaan (NEA) pula menunjukkan bahawa terdapat 112 kelompok di kawasan Singapura yang aktif penularannya. Kawasan Choa Chu Kang merupakan kelompok yang terbesar dengan 218 kes dilaporkan.
Aida	: Bagaimanakah cara kita menyelesaikan masalah ini, Salina?
Salina	: Pemerintah kita akan mempertimbangkan saranan untuk menaikkan denda yang lebih tinggi bagi pesalah yang membiak nyamuk di rumah atau kawasan mereka. Selain itu, pemerintah negara kita juga sedang menjalankan kajian menggunakan nyamuk jantan <i>Aedes aegypti</i> yang dijangkiti kuman <i>Wolbachia</i> untuk mengawal bilangan nyamuk di Singapura. Melalui cara ini, nyamuk jantan yang dijangkiti kuman itu apabila membiak dengan nyamuk betina biasa tidak akan menghasilkan keturunan.
Aida	: Saya juga difahamkan NEA sedang bekerjasama dengan Pihak Penguasa Sains Kesihatan (HSA) untuk menyiapkan dan memantau penggunaan vaksin denggi. HSA akan meninjau manfaat dan risiko vaksin denggi itu dengan pakar yang sesuai. Jika vaksin itu selamat dan diluluskan, orang ramai boleh mendapatkan vaksin tersebut di klinik perubatan dan hospital.

19. Denggi ialah sejenis penyakit wabak kerana_____.

- (A) virus ini menular dengan cepat
- (B) penularan virus ini sukar dikawal
- (C) membunuh ribuan manusia dengan mendadak
- (D) belum ada ubat atau vaksin yang ditemui setakat ini

20. Pihak Penguasa Sains Kesihatan akan meluluskan vaksin denggi itu sekiranya_____.

- (A) pakar setuju bekerjasama dengan HSA
- (B) vaksin itu selamat digunakan oleh manusia
- (C) kes denggi di Choa Chu Kang terus bertambah
- (D) vaksin itu berjaya membunuh nyamuk jantan *Aedes aegypti*

Selesai

SKEMA JAWAPAN

Pu2 Promo 2 2014

No	Jawapan
1.	C
2.	A
3.	A
4.	D
5.	D
6.	B
7.	C
8.	B
9.	C
10	B
11	D
12	B
13	D
14	B
15	D
16	B
17	D
18	C
19	A
20	B